

**Nermina Zaimović – Uzunović**

Pitanja postavljena Vijeću ministara BiH:

Dva puta u PDPSBiH postavljano je pitanje isticanja obilježja na granicama Bosne i Hercegovine. Odgovori na postavljena pitanja nisu dati poslanicima koji su ih postavili.

Po treći put postavljam pitanje:

1. Zašto na graničnim prijelazima Bosne i Hercegovine nema obilježja države Bosne i Hercegovine?
2. Kada će institucije zadužene za funkcioniranje graničnih prijelaza postaviti na svaki od njih obilježja BiH?
3. Ko je odgovoran zato što do sada nisu postavljene zastave Bosne i Hercegovine i table s informacijama o ulasku u BiH na svim graničnim prijelazima u Bosnu i Hercegovinu?
4. Tražim da nadležne institucije Bosne i Hercegovine u najkraćem roku postave na sve međunarodne granične prijelaze oznake Bosne i Hercegovine.

Na međunarodnom graničnom prijelazu između Crne Gore i BiH, Deleuša, na putu Bileća-Nikšić, nema obilježja Bosne i Hercegovine, npr. na jarbolu nema zastave Bosne i Hercegovine. Nema ni table s informacijama o ulasku /izlasku u/iz Bosne i Hercegovine.

Na međunarodnom graničnom prijelazu između Crne Gore i Bosne i Hercegovine, Hum, na putu Foča-Plužine, nema obilježja Bosne i Hercegovine. Nema oznaka koje na međunarodnom graničnom prijelazu pokazuju u koju se državu ulazi.

Prema Sporazumu između Bosne i Hercegovine i Crne Gore, na graničnom prijelazu Hum treba da se uspostavi i fitosanitarna kontrola, a državne institucije nisu u stanju dvije godine od potpisivanja Sporazuma o graničnim prijelazima postaviti državna obilježja na granične prijelaze.